

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

LXVI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

ram Evangelii doctrinam, quam Ecclesia nostra, uno Spiritu & una voce, cum Catholica Ecclesia Christi profiterur, & exposita est, in Confessione Augustana, quæ sine omni dubitatione est æterna Dei veritas, & omnium Prophetarum consentiens doctrina, & eum abhorrere ab omnibus fanaticis opinionibus, damnatis recto iudicio Ecclesiæ, & pugnantis cum doctrina Filii Dei.

Sicut verò hætenus in omni conversatione se modestum pium & nobis moderatum præstitit, ita etiam in posterum, in doctrina constantiam & in officio fidem & diligentiam promisit. Quare communi nostro consensu, juxta doctrinam Apostolorum publicâ ordinatione, ei ministerium docendi Evangelium & administrandi Sacramenta, à Filio DEI instituta, commendavimus. Cumq; Filius Dei dicat: *sine me nihil potestis facere*, primum precamur eum ardentibus votis, ut suæ Ecclesiæ gubernatores det idoneos & salutare, quo hujus Petri Patientis ministerium sit efficax & salutare; Deinde ipsum etiam Petrum & suam Ecclesiam hortamur, ut curent Evangelium Dei, contra furores Schwenckfeldii, Sacramentariorum, Anabaptistarum & aliorum fanaticorum hominum purè & fideliter conservari & propagari; nam hoc officio præcipuè Deus se coli postulat, sicut inquit Christus; *in hoc glorificatur Pater meus, ut fructus feratis & fiat in me discipuli*, & hac luce retenta, manet Ecclesia, & aderit in Ecclesia Deus, dabit vitam æternam invocantibus ipsum, & opitulabitur in ærumnis hujus vitæ. Ibi enim adest & exaudit Deus, ubi ipsius Evangelium verè sonat, sicut scriptum est, Johannis 15. cap. *Si manseritis in me, & verba mea in vobis manserint, quicquid volueritis, petetis & fiet vobis*. Datum Argentorati, 13. Novembris Anno 1558.

## LXVI.

*Salutem in Domino.*

Feliciter absoluto & itinere & Reformationis Ecclesiarum in agro negotio, & jam quieti ex aliqua parte redditus, intermittere non potui, Clarissime Domine Doctor, Collega & Frater in Domino observande, quin te hoc nuntio per literas meas salutarem, & hac salutatione, tanquam minimè obscuro argumento, tibi contestatum facerem, me omnia ea, quæ cum honorifico conventu publicè, nec non tecum privatim contuli, animo sincero & candido contulisse; nec aliter responsa à vobis accepta intellexisse & etiamnum hodie interpretari.

Ago autem vobis omnibus & singulis, nec non honestissimo & Ecclesiastico & Scholastico Collegio reverenter gratias, quod me tam amicè excepistis, tam fraternè audivistis & tandem ornatum splendidissima cœna & veneranda corona doctiss. virorum, neq; non ampliss. testimonio benignè dimissistis.

Vestri ero deinceps tam publicè quàm privatim memor, & ita memor, ut intelligatis, hæc beneficia in hominem minimè ingratum collocata. Tantum rogo, quia videtis, me singulari fato tantum non obrui mendacissimis calumniis & calumniosis mendaciis (Sic visum est Domino) à Sycophantis & adversariis meis, ne aliquam sinistram suspicionem vel de persona vel de universo ministerio meo, me prius non requisito, concipiatis: Id quod & me vicissim facturum, sanctè polliceor. In itinere conveni D.D. Jacobum Andreae, cum quo multa & varia de publicis & privatis rebus contuli. Is te vicissim amanter salutare jussit, tuique aliquoties honorificam mentionem fecit.

Si tibi una cum aliis Augustam eundum erit, rogo hospitium meum & hospitem ipsum, ejusque tenuitatem, ne contempnas. Ad futura comitia præparantur omnia, sed ut intelligo, nullus ferè Principum personaliter comparebit.

Magistrum Melchiorum moneto meo nomine, ut ea, quæ contulimus de Prædestinationis articulo, copiosius adumbrata, ad me mittat.

D. Rectorem, nec non D. Dafypodium, Præceptores & Fautores meos, officiosè ex me salutabis. Uxor mea gravida, uxorem tuam puerperam, sicut & focus mea amanter salutarunt.

Bene vale, Ulmæ, 6. Decembris Anno 1558.

Tuus ex animo

Rabus, D.

LXVII.

*Salutem in Domino.*

**R**evera gratæ mihi fuerunt literæ tuæ, Clarissime Domine Doctor, amice & frater observande, ex iis enim hoc, quod unice interea optavi, intellexi, videl. non tantum tuum, sed & reliquorum Symmistarum singularem in me amorem & candorem. Sycophanta unus, qui hætenus de novo sese mihi opposuit, non veritus est calumniari, testimonia, quæ partim ab Inclyto Magistratu, partim à Clarissimo Viro D. Rectore & te mecum attuli, quasi illa nescio quibus technis & artibus compararim: cum ipse (si diis placet) longè alia & diversa à vobis queat impetrare. Ego nullius doli mali, aut tergiversationis conscius, credo, hæc à vobis ex animo conscripta. Sed sic solent homines βάνυροι, quorum impudentia Deo sic ordinante indies magis ac magis publicatur. Revera tamen ignoro, qualis futurus sit tandem rerum mearum status: sic mirabilibus machinis (dolosè tamen & mendaciter) *ῥοδάβηλοι*, (de quibus & Paulus sæpius conqueritur) me adoriuntur. Professionem tuam ad Illustrissimum Electorem Palatinum, Deo Optimo Maximo semper

com-